
**AKTI I THEMELIMIT DHE STATUTI I
SHOQËRISË ME PËRGJEGJËSI TË KUFIZUAR**

Dr. Medical Clinic

11 Mars 2021

**AKTI I THEMELIMIT DHE STATUTI
I SHOQËRISË ME PËRGJEGJËSI TË KUFIZUAR
Dr. Medical Clinic**

**KREU I
EMRI I SHOQËRISË, SELIA, KOHËZGJATJA, OBJEKTI**

**NENI 1
EMRI I SHOQËRISË**

- 1.1 Emri i shoqërisë me përgjegjësi të kufizuar është **Dr. Medical Clinic** (më poshtë e Shoqëria)

**NENI 2
SELIA**

- 2.1 Selia e Shoqërisë ndodhet në adresën: Njesia Administrative Nr.10, Rruga Myslym Shyri, Apartamenti Nr.3, Tiranë, Shqipëri.
- 2.2 Ortakët e Shoqërisë, mund të vendosin mbi transferimin e selisë së Shoqërisë në një adresë tjetër. Personat përgjegjës për administrimin e Shoqërisë mund të çelin ose mbyllin degë dhe/ose zyra përfaqësimi, si brenda ashtu edhe jashtë Republikës së Shqipërisë.

**NENI 3
KOHËZGJATJA**

- 3.1 Shoqëria do të zhvillojë aktivitetin e saj për një periudhë kohore me afat të pacaktuar.

**NENI 4
OBJEKTI I SHOQËRISË**

- 4.1 Shoqëria ka për objekt të saj kryerjen dhe marrjen pjesë në të gjitha aktivitetet që një shoqëri me përgjegjësi të kufizuar mund të ushtrojë në bazë të legjislacionit shqiptar, dhe në veçanti:
- Poliklinikë mjekësore, konsulta shëndetësore
 - Ekzaminime imazherike dhe analiza laboratorike
 - Stomatologji dhe fizioterapi

Dr. Medical Clinic

- 4.2 Gjithashtu, Shoqëria mund të kryejë çdo aktivitet tjetër të nevojshëm apo të dobishëm për realizimin e qëllimeve të saj.
- 4.3 Për të arritur objektin e saj, Shoqëria mund të realizojë drejtpërdrejtë apo në mënyrë të tërthortë çdo lloj pjesëmarrje në shoqëri të tjera shqiptare apo të huaja, si edhe të hyjë në marrëdhënie kontraktore, bashkëpunimi ose ortakërie me persona të tretë, privatë ose publikë, vendas ose të huaj.

KREU II**KAPITALI I SHOQËRISË TRANSFERIMI I KUOTAVE FINANCIMI****NENI 5****KAPITALI I SHOQËRISË**

- 5.1 Kapitali i Shoqërisë është prej 100 (njëqind) Lekë, i ndarë në 3 (tre) kuota nga të cilat, 1(një) kuotë me vlerë nominale 34 (tridhjetë e katër) Lek dhe 2 (dy) kuota me vlerë nominale 33 (tridhjetë e tre) Lek secila, të cilat përfaqësojnë 100% të kapitalit themeltar, kapital i cili është nënshkruar nga Ortakët e shoqërisë:

Andri Çabeli, madhor me zotësi të plotë për të vepruar, i datëlindjes **25/10/1990**, lindur dhe banues në **Tiranë**, shtetas shqiptar, identifikuar sipas ligjit nëpërmjet Letër Njoftim **ID – J01025047N** (në vijim “**Ortaku**”) i cili zotëron 1 (një) pjesë të kuotave të barabartë me 34 lek.

Renard Plaku, madhor me zotësi të plotë për të vepruar, i datëlindjes **26/05/1991** lindur në Dibër dhe banues ne **Tiranë**, shtetas shqiptar, identifikuar sipas ligjit nëpërmjet Letër Njoftim **ID – J10526006T** (në vijim “**Ortaku**”) i cili zotëron 1 (një) pjesë të kuotave të barabartë me 33 lek.

Mirald Gina, madhor me zotësi të plotë për të vepruar, i datëlindjes **21/11/1988** lindur në Lushnje dhe banues ne **Tirane**, shtetas shqiptar, identifikuar sipas ligjit nëpërmjet Letër Njoftim **ID – I81121038E** (në vijim “**Ortaku**”) i cili zotëron 1 (një) pjesë të kuotave të barabartë me 33 lek.

NENI 6**TRANSFERIMI I KUOTAVE TË KAPITALIT TEK TË TRETËT**

- 6.1 Kuotat e shoqërisë mund t’ju transferohen lirisht të tretëve ne përputhje me dispozitat e legjislacionit shqiptar në fuqi.

NENI 7
BARRËT MBI KUOTAT E KAPITALIT

- 7.1 Kuotat e kapitalit të Shoqërisë mund të rendohen lirisht me barrë siguroese apo të drejta të tjera reale.

KREU III
ORTAKET, FINANCIMET

NENI 8
ORTAKET E SHOQERISE

- 8.1 **Andri Çabeli**, madhor me zotësi të plotë për të vepruar, i datëlindjes **25/10/1990**, lindur dhe banues në Tiranë, shtetas shqiptar, identifikuar sipas ligjit nëpërmjet Letër Njoftim **ID – J01025047N** (në vijim “**Ortaku**”) i cili zotëron 1 (një) pjesë të kuotave të barabartë me 34 lek.
- Renard Plaku**, madhor me zotësi të plotë për të vepruar, i datëlindjes **26/05/1991** lindur në Dibër dhe banues ne **Tirane**, shtetas shqiptar, identifikuar sipas ligjit nëpërmjet Letër Njoftim **ID – J10526006T** (në vijim “**Ortaku**”) i cili zotëron 1 (një) pjesë të kuotave të barabartë me 33 lek.
- Mirald Gina**, madhor me zotësi të plotë për të vepruar, i datëlindjes **21/11/1988** lindur në Lushnje dhe banues ne **Tirane**, shtetas shqiptar, identifikuar sipas ligjit nëpërmjet Letër Njoftim **ID – I81121038E** (në vijim “**Ortaku**”) i cili zotëron 1 (një) pjesë të kuotave të barabartë me 33 lek.

NENI 9
VENDIMET E ORTAKEVE

- 9.1 Ortakët, në përputhje me legjislacionin shqiptar marrin vendime në lidhje me: (i) ndryshimin e këtij Statuti, (ii) zmadhimin e zvogëlimin e kapitalit të Shoqërisë, (iii) kalimin e kuotave të Shoqërisë, (iv) emërimin dhe shkarkimin e Administratorëve, si edhe emërimin e shkarkimin e ekspertit(ëve) kontabël të autorizuar, (v) miratimin e bilancit vjetor të Shoqërisë si edhe të çdo raportit tjetër financiar, (vi) shndërrimin, shpërndarjen dhe likuidimin e Shoqërisë, (vii) emërimin e likuidatorit(ëve) dhe çdo vendim tjetër që sipas ligjit i takon Ortakëve.
- 9.2 Vendimet e Ortakëve duhet të merren me shkrim dhe të regjistrohen në regjistrin e mbajtur pranë selisë së Shoqërisë.

NENI 10 FINANCIMI I SHOQËRISË

- 10.1** Organi i Administrimit të Shoqërisë, në përputhje me dispozitat në fuqi, përveç rasteve të zmadhimit të kapitalit, ka të drejtë të kërkojë nga ortakët e shoqërisë fondet e nevojshme për arritjen e objektivave të shoqërisë.
- 10.2** Financimet e mëtejshme të ortakëve në shoqëri do të jenë me shpërblim (interesa) apo pa shpërblim, në varësi të titullit nëpërmjet të cilit do të lëvrohen këto fonde.

KREU IV ADMINISTRIMI I SHOQËRISË

NENI 11 ADMINISTRIMI I SHOQËRISË

- 11.1** Shoqëria administrohet nga 1 (një) Administrator i cili emërohet nga ortakët për një periudhë 5 (pesë) vjeçare, me të drejtë rizgjedhje. Ortakët kanë të drejtë te emërojnë, apo pushojnë në çdo kohë Administratorin.
- 11.2** Si Administrator i Shoqërisë emërohet:
Mirald Gina, madhor me zotësi të plotë për të vepruar, i datëlindjes **21/11/1988** lindur në Lushnje dhe banues në Tiranë, shtetas shqiptar, identifikuar sipas ligjit nëpërmjet Letër Njoftim **ID – I81121038E**.
- 11.3** Administratori i vetëm përfaqëson Shoqërinë kundrejt palëve të treta, përfshirë autoritetet publike dhe private, vendase ose të huaja, bankat, autoritetit tatimore dhe gjyqësore. Administratori është përgjegjës për veprimet e kryera në administrimin e Shoqërisë sipas këtij akt themelimi dhe statuti e legjislacionit shqiptar.
- 11.4** Administratori vepron në përputhje me politikat e biznesit të përcaktuara nga Ortakët. Administratori mund të ndërmarrë apo kërkojë kryerjen e të gjitha akteve që konsideron të nevojshme për arritjen e objektit të Shoqërisë, përveç atyre që ligji apo statuti i rezervon Ortakëve apo organeve të tjera të Shoqërisë.
- 11.5** Administratori është përgjegjës për veprimet dhe mosveprimet e kryera gjatë administrimit të Shoqërisë. Administratori mund t'ua delegojë palëve të treta tagrat e lidhura me administrimin e Shoqërisë. Administratori mbetet përgjegjës i drejtpërdrejtë për të gjitha veprimet e kryera nga përfaqësuesit në lidhje me administrimin e Shoqërisë. Administratori

Dr. Medical Clinic

ka të drejtë të autorizojë person ose subjekte të tretë me prokurë të posaçme për të përfaqësuar shoqërinë në Qendrën Kombëtare të Biznesit, organet e Tatim Taksave, etj.

- 11.6** Administratori do të veprojë gjatë gjithë kohës në interes të Shoqërisë. Në rast të një konflikti interesi, Administratori do të informojë menjëherë Ortakët e shoqërisë, dhe nuk do të kryejë asnjë veprim lidhur me çështjen objekt i konfliktit të interesit, deri në pajisjen me udhëzimet përkatëse nga Ortakët.

NENI 12

SHPËRBLIMI I ADMINISTRATORËVE

- 12.1** Ortakët përcaktojnë shpërblimin e Administratorit të shoqërisë.

KREU V

KONTROLI I KONTABËL I SHOQËRISË VITI FINANCIAR DHE BILANCI

NENI 13

KONTROLI KONTABËL

- 13.1** Kontrolli i jashtëm kontabël i Shoqërisë kryhet nga Ekspertë Kontabël të Autorizuar, në përputhje me legjislacionin shqiptar në fuqi. Ortakët do të emërojnë një apo më shumë ekspertë kontabël në ato raste kur emërimi i tyre konsiderohet i nevojshëm ose kërkohet në bazë të ligjit.

NENI 14

VITI FINANCIAR

- 14.1** Viti Financiar i Shoqërisë fillon më 1 Janar dhe mbaron më 31 Dhjetor të çdo viti.

NENI 15

BILANCI VJETOR DHE REZERVAT

- 15.1** Me mbylljen e secilit vit financiar, Administratori merr masat e nevojshme për hartimin e bilancit të aktivitetit për vitin financiar të mbyllur, në mënyrë që Ortakët të vendosin mbi miratimin apo ndryshimet e mundshme të tij brenda afateve të përcaktuara nga ligji.

- 15.2 Bilanci vjetor, pasqyrat financiare, inventarët, raportet e Administratorit dhe Ekspertit Kontabël miratohen nga ortakët. Administratori i paraqet Ortakëve për miratim, raportin mbi administrimin e Shoqërisë, si dhe pasqyrat financiare vjetore.
- 15.3 Ortakët vendosin mbi ndarjen e dividendëve që rezultojnë si fitime sipas bilancit të miratuar rregullisht, pasi nga këto shuma të jenë zbritur humbjet e mundshme të viteve të mëparshme.
- 15.4 Ortakët në çdo moment mund të vendosin krijimin e rezervave, si edhe masën e tyre.

KREU VI PRISHJA DHE NJOFTIMET

NENI 16 PRISHJA DHE LIKUIDIMI I SHOQËRISË

- 16.1 Në rastin e likuidimit të Shoqërisë do të zbatohen dispozitat e parashikuara në ligjin nr. 9901, datë 14.04.2008, “Për Tregtarët dhe Shoqëritë Tregtare”.

NENI 17 NJOFTIMET

- 17.1 Të gjitha njoftimet, kërkesat ose komunikimet e tjera që u jepen personave ose që bëjnë personat sipas Statutit do të kryhen me shkrim ose përmes komunikimit elektronik (nëse ka) dhe do të konsiderohen të kryera në mënyrë të rregullt kur u dërgohen në adresat e deklaruara prej tyre pranë Administratorit të Shoqërisë.
- 17.2 Njoftimet zyrtare të komunikimeve me anë të mjeteve elektronike vërtetohen sipas Legjislacionit për nënshkrimin elektronik dhe dërgohen në adresat elektronike të deklaruara prej tyre.
- 17.3 Në rastin kur një kuotë zotërohet nga më shumë se një person, të gjitha njoftimet do t'i drejtohen përfaqësuesit të bashkëzotëruesve të kuotës.

**KREU VII
DISPOZITA PËRFUNDIMTARE**

**NENI 18
LIGJI I ZBATUESHËM**

- 18.1 Shoqëria do të zhvillojë veprimtarinë e saj në përputhje me parashikimet e këtij Akti Themelimi, Statuti dhe legjislacionit shqiptar. Për të gjitha ato çështjet që nuk janë parashikuar në këtë dokument, do të zbatohen dispozitat e legjislacionit shqiptar mbi shoqëritë tregtare.

**NENI 19
ZGJIDHJA E MOSMARRËVESHJEVE**

- 19.1 Çdo mosmarrëveshje ndërmjet Shoqërisë dhe ortakëve të saj, ose ndërmjet ortakëve dhe trashëgimtarëve të tyre, dhe/ose Shoqërisë, lidhur me interpretimin dhe / ose zbatimin e këtij Akti Themelimi dhe Statuti, do të zgjidhet me mirëkuptim ndërmjet palëve të interesuar. Në rast se nuk arrihet zgjidhja me mirëkuptim ndërmjet palëve, kompetente për zgjidhjen e mosmarrëveshjes do të jetë Gjykata e Rrethit Tiranë.

**NENI 20
GJUHA**

- 20.1 Ky Akt Themelimi dhe Statut përpilohet në 4 (katër) kopje në gjuhën shqipe.

ORTAKËT E SHOQËRISË


Andri Çabeli



Renard Plaku



Mirald Gina



Tiranë më 11.03.2021